



SAKSHANDSAMAR
Leif Anker

VÅR REF.
19/00026-2

ARK. Forvaltningsarkivet
333.0

INNVALSTELEFON

DYKKAR REF.
19/32-2

DYKKAR DATO
VÅR DATO
20.02.2019

TELEFAKS
+47 22 94 04 04
postmottak@ra.no
www.riksantikvaren.no

Sogn og Fjordane fylkeskommune
Askedalen 2
6863 LEIKANGER

Att:

Tilskudd og utbetaling -Sogn og Fjordane fylkeskommune - Vestnorsk fjordlandskap - Verdensarv / Verdensarvområde - Statsbudsjettet 2019 kap 1429 post 79 -

Me visar til brev frå Sogn og Fjordane fylkeskommune datert 15.1.2019 og søknad om tilskot for 2019 på kr. 1 464 000 frå statsbudsjettet Klima- og miljødepartementet kap. 1429 post 79 Tilskot til verdsarven.

Tildeling og tilsegn

Riksantikvaren har fatta slikt vedtak:

Vedtak

Riksantikvaren gjev med kr 900 000,- til Sogn og Fjordane fylkeskommune frå post 79 tilskot til verdsarven.

Bruk og forvalting av tilskotsmidlane skal fylgje «Reglement for økonomistyring i staten» og vilkår nærmare skildra i «Retningsliner og vilkår for tilskot frå statsbudsjettet kap. 1429 post 71-79» som er lagt ved brevet.

Aksept av tildelinga

Riksantikvaren synar til forvaltningslovas § 28 kor det gjeng fram at vedtaket er automatisk akseptert dersom ikkje mottakar klagar på det innan 3 veker.

Utbetaling av tilskot 2019 og tilsegn frå 2018

Med dette brevet betalar vi ut tilskottet for 2019 på kr 900 000,- og tilsegn for 2019 gjeven i 2018 på kr 500 000,-, til saman kr 1 400 000,-.

Grunngjeving for vedtaket

Hovudføremålet for kulturminneforvaltinga er å hindre tap av kulturminne og kulturmiljø. Ein skal og taka vare på kulturminna som bruksressursar og som grunnlag for kunnskap, oppleveling og verdiskaping. Midlane under post 79 er knytte til nasjonalt mål om at områda på Unescos verdsarvliste skal forvaltast i tråd med forpliktingane i Unescos verdsarvkonvensjon og retningslinene for oppfølginga av konvensjonen.

Vestnorsk fjordlandskap er innskriven som eit reint naturområde, men der opplevinga av menneskjas liv og virke i området er ei vesentleg tilleggsverdi. Å ta vare på vitnemål om dette er i tråd med forpliktingane som fylgjer av statusen som verdsarv.

Me viser òg til KLDs tildelingsbrev til Riksantikvaren 2019, lenke for å lasta ned ligg på <http://www.riksantikvaren.no/Veiledning/Tilskot>

Riksantikvaren har 44,1 millionar kr. på post 79 til fordeling i 2019, ein nedgang frå 61 millionar i 2018. Dette er grunna mindre overførte midlar frå 2018 på denne posten. Samstundes er det søknadar i 2019 for til saman nær 80 millionar kr., nær det doble av tilgjengelege midlar. I fordelinga av midlar til verdsarvstadene har Riksantikvaren vurdert søknadane etter kriteria for tilskot frå post 79 samt rapporteringa for 2018. Fleire planlagde tiltak i verdsarvområde i 2018 er utsette eller ikkje stilt ferdige ved årsskiftet. Ein stor del av tilskotet for 2018 er difor ført over til 2019. Sogn og Fjordane fylkeskommune foreslår òg å nytte tilskotsmiddel til lønning av tilsette i fylkeskommunen. Det er ikkje høve til å bruke midlar frå post 79 til dette jf. Prop. 1 S 2018-2019 og rundskriv T-1/18.

Tilskottet må sjåast i samanheng med dette.

Søknaden til fylkeskommunen har prioritert dei einskilde formåla i søknaden. Riksantikvaren ser det som eit godt grep å knytte istandsettingstiltaka til føreliggande planar.

Søknad og rapportering

I samanheng med vøling av bygningar og anlegg skal mykje av rapporteringa til Riksantikvaren gå gjennom Askeladden, som til dømes oppdatering av tilstandsgrad, handsaming av søknadar og tilskot frå og til eigarar, handsaming av søknader frå fylka og innlegging av tildelinga frå Riksantikvaren. Inneverande år blir ny elektronisk søknadsportal, DigiSak, teke i bruk for søknadar på post 79 f.o.m. 2020. Samstundes vil søknadsmodulen i Askeladden falle bort. Dette vil lette rapporteringa og handsaminga av søknadar.

Søknad om tildeling frå post 79 og rapportering frå føregående år må sendast i skriftleg form. Hovudpunktata for søknad:

- Økonomi
- Kritiske faktorar
- Organisering av forvaltningsarbeidet
- Oppnåing av mål

Med bakgrunn i merknader frå Riksrevisjonen på andre tilskotspostar samt erfaring frå tilsyn i fleire fylkeskommunar, vil Riksantikvaren leggje større vekt på rapporteringa frå mottakarar av tilskot frå post 79. Vi vil difor be om følgjande rapportering for 2019:

- Tal på bygningar og anlegg med både påbyrja og ferdigstilla tiltak
- Tal på påbyrja og ferdigstilla tiltak i kulturlandskap og kulturmiljø, her også medrekna løypande skjøtsels- og vedlikehaldstiltak

- Tal på og kva bygningar og anlegg (m/ Askeladden ID) der tilskotet er større enn 50 -70 % av tiltakets antikvariske meirkostnad
- Rapport for verksemda i 2018 med status planarbeid (forvaltingsplanar/skjøtselsplanar/ buffersoner o.a.), utstillingar og anna formidling
- Middel som står på øyremerkt konto pr. 31.12.2019

Manglande eller mangelfull rapportering for 2019 vil bli sterkare lagt vekt på enn føregåande år ved Riksantikvaren sin fordeling av tilskotsmidlar til verdsarvstadene i 2020.

Bevaringsprogrammet for verdsarven er ei stor satsing for kulturminneforvaltinga. Riksantikvaren ynskjer å betra rapporteringa si til KLD. Vi ynskjer difor skriftlege rapporter som er egna til formidling frå konkrete prosjekt for istandsetting og tiltak i verdsarvområda. Vi ber om at alle verdsarvstadane sender oss ein eller fleire slike rapporter frå nyleg avslutta prosjekt i løpet av dette året.

Kriteria for tilskot post 79

Målet for ordninga er å forvalte verdsarvområda tråd med forpliktingane i Unescos verdsarvkonvensjon og dei internasjonale retningslinene frå UNESCO.

Tildelingskriteria for post 79 gjeng fram av Rundskriv T-1/17 («Tilskotsrundskrivet») frå KLD. Det er vesentleg at fylkeskommunen gjer ei sjølvstendig vurdering av om søkjar fell inn under ordninga.

Ved tilskot til istandsetting av bygningar og anlegg ber vi om at objektet blir tilstandsregisterert før tiltaket settast i gang og at registreringa blir oppdatert etter ferdig arbeid. Oppdatering kan f.eks. bli gjort som ein del av eller saman med sluttrapporten etter tiltaket.

Eigenandel og tilskot

Rundskriv T-1/17 omtalar m.a. krav til innhald i søknad om tilskot. Under punkt om finansiering skal bl.a. eigenandel/eigeninnsats gå fram. Riksantikvaren ser det som ein hovudregel at tilskotet ikkje skal være meir enn 50-70 % av kostnadene. Unntak frå dette må vurderast i lys av kulturminnets verdi, nytte av bygget for eigar og om det ligg føre urimeleg stort ansvar for vedlikehald. Dette må vurderast og dokumenterast i den einskilde saka. Fylkeskommunen må rapportere og grunngje kva bygg som får større tilskott enn 70% av kostnadene.

Val av utførande handverkarar ved istandsetting av bygningar og anlegg

Utførande firma skal gje opp formell kompetanse og referanseprosjekt med kontaktinformasjon. Handverkarane skal ha fagskolepoeng eller studiepoeng innan praktisk bygningsvern eller kunne dokumentere tilsvarande realkompetanse. Generelt skal krav verte stilt til at handverkarane har delteke i minst tre prosjekt tidlegare med tilsvarande arbeidsoppgåver. Fylkeskommunen kan tillempa krava for dei einskilde tiltaka i lys av den faktiske situasjonen og karakteren til arbeidet. Lærlingar eller andre under kompetanseoppbygging skal fylgjes opp kontinuerleg under arbeidet. Sentrale

fagpersonar og byggeplassleiar i utførande firma må meistre norsk for å kunne diskutere kvaliteten ved utføringa.

Om Askeladden

For dei som rapporterer i Askeladden: I løpet av våren vil tiltak for utbetring komme inn i skjemaet for tilstandsregistrering. Før eit nytt elektronisk søknadssystem er på plass, vil tilgang til tilskotsmodulen i Askeladden være:

<https://askeladden.ra.no/AskeladdenTilskudd/Pages/LoginPage.aspx?ReturnUrl=%2fAskeladdenTilskudd%2fStandard.aspx>

Beste helsing

Hilde Varvin(e.f.)

Seksjonssjef

Leif Anker

Brevet er elektronisk godkjend

Vedlegg:

Kontering - Regionalforvaltningen
(til internt bruk for Riksantikvaren)

Utbetalinger – tilsagn og tilskudd 2019

Beløp: 1 400 000,-	Mottakers kontonummer 4212 02 02000	Konto: 8719	Koststed: 52	Tilsagn- og tilskuddssnummer: 190414073
Merknad:				
Kap/post 142979				